

東洋史要卷四

日本文學士桑原隲藏原著

山陰樊炳清譯

近世期

第一篇 清之初葉

第一章 滿州之興

自蒙古滅金，通古斯族之勢力久滅。然其在長白山附近者，尚有覺羅

部，世居鄂多理。

蒙古塔之西南

至日本曆二千百年之頃，約

明英宗正統五年

始徙赫

圖阿拉。

今之興京

部落漸蕃。日本曆二千二百四十三年，

明神宗萬曆十一年

努爾哈

赤爲其部長，更得興盛。

當時通古斯族略分四部。滿州部佔今盛京之東北，覺羅部實屬之。其

東朝鮮之界，有長白山部。長白山部之北，寧古塔之東，莅日本海有東

海部東海部之西北沿黑龍江有黑龍江部滿州部之北自今吉林府至奉天府之間有扈倫部散居扈倫部之西黑龍部之南卽蒙古之科爾沁部

努爾哈赤自覺羅部興統一滿州扈倫長白山及科爾沁諸部恐其侵略以日本曆二千二百五十一年明神宗萬曆十九年相連合來攻大敗前後降

於努爾哈赤於是日本曆二千二百七十四年明神宗萬曆二十二年努爾哈赤遂建國號曰滿州稱皇帝是卽滿州太祖也

扈倫部中有葉赫部負強獨不降日本曆二千二百七十九年明神宗萬曆四十七年太祖自將擊之葉赫部乞援於明明恐滿州強大因命楊鎬將大

軍三十萬援葉赫部是時宣祖子光海君王朝鮮以曩得明援德明發兵二萬來會太祖逆擊之大破連合軍於渾河畔乘勢滅葉赫部更進

瀋陽取遼陽遂都瀋陽卽今奉天府也先是東海都已內降至是滿州疆土西至遼河南接朝鮮東莅日本海北及黑龍江明廷大懼新使孫承宗經略遼陽承宗有將才而爲魏忠賢所忌不能安於職以是明邊境日蹙日本曆二千二百八十七年

明熹宗天啟七年

太祖子太宗嗣位是年

明莊烈帝承熹宗後登帝位先黜魏忠賢以袁崇煥有將才舉令防滿州太宗乃姑避其鋒轉兵伐朝鮮朝鮮王光海君曩應明師屢牽制滿州故太宗遣阿敏侵朝鮮陷平壤逼京城時光海君從子仁祖爲朝鮮王防戰不利遁至江華島以明援軍不至遂請和於滿州時日本曆二千二百八十七年

明熹宗天啟七年

也後數年乘滿州方經略漠南蒙古乃復

與明通欲寇遼東太宗自蒙古還親征之復陷國都京城於是朝鮮仁祖遂絕明而降滿州受封時日本曆二千二百九十六年

明思宗崇禎九年

太宗與朝鮮和既絕東顧憂專力逼明明將袁崇煥雖善防戰然未幾
罹反間被罷滿州兵逼山海關明廷因賂漠南蒙古之插漢兒部使防
滿州太宗乃移兵經略漠南

第二章 漠南蒙古與清之關係及明之亡

究弼哩克及俺答等之振勢漠南也韃靼可汗次第衰微僅能號令插

漢兒部而已及日本曆二千二百十八年

明世宗嘉靖三十七年

上赤汗孫薩克

圖爲可汗崇奉喇嘛教傳播至插漢兒部又拓地東方征服扈倫部可

汗威勢寢復日本曆二千二百六十四年

明神宗萬曆三十二年

其曾孫林丹汗

立屢寇明明厚歲幣以和且使防滿州林丹乃侵遼東又怒科爾沁部

與滿州通擊之欲負強挽回可汗之實權頻凌鄂爾多斯土默特諸部

科爾沁及漠南蒙古諸部連合以防林丹且乞援於滿州太宗以日本

曆二千二百九十四年

明思宗崇禎七年

自將大軍伐林丹林丹敗死其子孔

果爾汗降獻傳國璽滿州既平漠南蒙古更國號清自漠南蒙古服於清明北邊一帶無年不受攻伐明廷發大軍以吳三桂爲將使嚴禦北邊

明自世宗以來常苦外患北有吐魯番侵略南有日本緬甸攻掠及朝鮮之役起國用不支於是日本曆二千二百五十六年

明神宗萬曆二十四年

神

宗遣宦者之四方

鑛山以充府庫奸吏乘之奪民財尋又增課鹽茶

船舶之稅天下頗厭苦思亂日本曆二千二百八十八年

明思宗崇禎元年

李

自成張獻忠等乘年穀不稔自陝西叛四方流賊響應遂至不可

制抑

初明太祖以要地分封諸子使備王室屏藩成祖篡位後恐有效已者乃痛殺諸王兵力且當時陝西山西河北之兵概遠戍北邊一無防禦

故流賊勢益張。張獻忠略四川。李自成定陝西河南。取山西。遂陷北京。莊烈帝自殺。李自成稱皇帝。時日本曆二千三百四年。順治元年也。明傳位二百七十七年而亡。

是時清太宗子世祖嗣位。與明將吳三桂相拒。及北京圍急。三桂棄邊還救。途聞北京陷。乃乞清援兵。以破李自成。自成奔陝西。清軍助三桂追之。愈進。略山西河北地。世祖既定支那北部。乃遷都北京。又使阿濟格與明降將吳三桂平李自成於陝西。使多鐸爲將。經略河南山東。

莊烈帝之死也。明之遺臣擁立神宗孫福王於南京。史可法督兵以防清之南下。福王庸闇。將士不服。多鐸乘之。破史可法。渡江陷南京。福王降。時明之王族存者尙多。魯王據浙江。永寧王據江西。唐王又卽位於福建。然不一致。清軍先殺永寧王。次破魯王。虜唐王。明遺臣更擁立

神宗孫桂王於廣西請援於安南安南方苦內訌不能出軍及清軍侵廣西桂王入雲南

曩吳三桂從清軍破李自成於陝西尋殺張獻忠於四川至是復定貴州進雲南桂王奔緬甸時莽瑞體曾孫本克他利王緬甸奉桂王於赭磴之地而與木邦騰越等雲南諸蠻部併力阻清軍清軍下伊羅瓦底河逼國都阿瓦以葡萄牙人寓緬甸者善防戰乃引還國人恐清軍再侵不悅王之納明遺族王弟巴哇喇達姆摩遂弑王篡位捕桂王送清時日本曆二千三百廿二年

康熙元年也

曩魯王之敗於浙江也走廈門依鄭成功成功乃海賊鄭芝龍子其母日本長崎人也後與其父共降於明一意以恢復明室爲志恃廈門爲根據地頻攻沿海及魯王來投軍氣大振乘清軍有事雲南復浙江下

南京更期北侵，尋失利，奉魯王退臺灣。明末年，日本人之剽掠支那沿岸者，佔臺灣爲根據地，及荷蘭人商於支那近海，以日本曆二千二百八十四年，明熹宗天啟四年，逐日本人而奪之，設學校，建教堂，盡力輸入文化。

其後日本曆二千三百廿一年，大清順治十八年，鄭成功等奉魯王來臺灣，悉

逐荷蘭人，又遣使日本乞援。是時日本德川氏方主鎖國之策，不與外國交涉，遂不成。翌年魯王及成功前後歿，成功子鄭經據臺灣，不服於清。

清世祖時，明室雖亡，然其遺臣尙出沒江南。聖祖卽位，乃封明降將吳三桂於雲南，尙可喜於廣東，耿繼茂於福建，使各鎮其封地，握兵馬，財政之權，殆似獨立國。然就中吳三桂之功最高，兵亦強。及魯王死，桂王爲虜，天下已一統。聖祖漸憂三藩強大，竊爲之備。三藩亦自不安，日本

曆一千三百三十三年

康熙十二年

吳三桂先叛，侵四川、貴州，耿繼茂子精忠尚可喜子之信等尋各舉兵反。

清之一統支那也，下辯髮之令，使從其國俗，漢族皆不悅，於是所在兵起，響應三藩，江南全沒於賊。三桂自四川陷漢中、隴西，又招鄭經，使攻略沿海。

聖祖命圖海向關中，岳樂、傑書等平江南，時耿精忠與鄭經不協，互讎。聞傑書大軍至，恐遽投誠，尚之信亦望風降，且其時圖海已復隴西，岳樂亦定海西，吳三桂勢日蹙，未幾死。孫吳世璠嗣，雖固守雲南、貴州、四川、湖南之地，而次第衰微，至日本曆一千三百四十一年

康熙二十年

事全

平定

雲南之亂既定，聖祖欲取臺灣，除後患，以日本曆一千三百四十一年

康熙二十二年遣施琅征之、時鄭經已死、子克塽嗣、克塽幼弱、將士不服、及施琅來攻、遂出降、

第三章 歐人遠航與耶穌教東漸

自蒙古統一亞細亞、東西兩洋之交涉日繁、黑海沿岸之哥里米一作克力

米、孔士坦丁堡等、爲重要貿易場、及日本曆二千年之頃、元順帝時土耳其

帝國興、握黑海航海權、於是赴東洋者、勢必別尋新航路、且當蒙古時、

遠遊東方之旅客、頻言支那印度之富庶、及日本之多金銀珠玉、歐洲

人士聞之、注意東方者漸多、及剎興羅針盤、歐人勇敢冒險之意氣、風

靡一世、乃陸續航遊東洋、就中葡萄牙、西班牙、荷蘭、英、吉利四國、以臨

海故、長駕馭術故、較諸國獨着先鞭、

一、葡萄牙 日本曆二千百五十年之頃、約明孝宗弘治三年吉融二世爲葡

葡萄牙王航遠洋者，輒獎勵之。日本曆二千百五十八年，明孝宗弘治十一年，葡葡

牙人滑士科達軋摩遂遠喜望峰，以達印度之馬拉巴爾，自是其國人

遠航東洋者頗多。日本曆二千百七十年，明武宗正德五年，略印度西海岸之

卧亞，以爲根據地，寢於錫崙，及印度東海岸，建商館，尋奪滿刺加瓜哇，

自明成祖經略南洋以來，支那人多商南洋者，故佔據滿刺加瓜哇之

葡萄牙人，又東進開航路。日本曆二千百七十四年，明武宗正德九年，始入支

那海，其後三年，至廣東，尋於寧波、廈門建商館。日本曆二千二百廿三

年，明世宗嘉靖四十三年，更佔阿瑪港，廣東之澳門，爲根據地。同時，又至日本之肥前

平戶設商館，從事於貿易。自日本曆二千百六十年至二千三百年，約

明孝宗弘治十三年，凡百四十年間，葡萄牙人殆獨擅東洋貿易之全

權焉。

二西班牙 方葡萄牙人取道亞非利加之南端以遠航東洋其間西

班牙亦有航行西方以冀達東洋日本曆二千八百八十二年明世宗嘉靖元年

西班牙人馬瑞郎經亞美利加之南端始出太平洋尋西班牙王非利

布二世併葡萄牙益獎勵東洋貿易日本曆二千二百二十五年明世宗嘉靖四十四年

估比律賓羣島建馬尼刺爲根據地日本曆二千二百四十年

明神宗萬曆八年遣使明廷求許通商爲舊在之葡商所阻不得要領惟在日

本平戶得開商館營貿易且與支那人貿易亦盛行於馬尼刺云

三荷蘭 荷蘭舊爲西班牙屬國以宗教之紛爭至日本曆二千二百

四十年明神宗萬曆八年遂獨立日本曆二千二百五十六年明神宗萬曆二十四年始

來東洋奪錫崙滿刺加蘇馬答刺等西班牙所轄殖民地驅逐葡萄牙

商民日本曆二千二百七十九年明神宗萬曆十七年建巴達維阿於瓜哇爲

根據地、日本曆二千二百八十四年、

明熹宗天啟四年

佔臺灣、於日本及支那、

盛營貿易、日本曆二千三百十三年、

順治十年

巴達維阿之太守、遣使北京、

求許通商、亦爲葡萄牙人所妨、不得要領、後爲鄭成功略取臺灣、荷蘭

兵艦屢助清軍、破鄭氏、故得清廷特許通商廣東、時日本曆自二千二

百九十九年、

明思宗崇禎十二年

以來、禁歐洲通商、獨以荷蘭不傳耶穌教、故許

於長崎貿易、是以日本曆二千二百年代末期、荷蘭人乃代葡萄牙人

於東洋貿易、獨握大權、

四英吉利、

英吉利人以日本曆二千二百三十九年、

明神宗萬曆七年

始航

印度、於印度暹羅瓜哇等開商館、日本曆二千二百七十三年、

明神宗萬曆四

十一年、至日本平戶營貿易、尋以日本曆二千二百九十五年、

明思宗崇禎八年

赴支那通商於廣東廈門、然其在日本貿易、爲荷蘭人所妨、在支那貿

易爲葡萄牙人所妨、不能大振、獨在印度、勢力漸增、至凌壓荷蘭、葡萄牙之商人云、

東西交涉既開、歐人遊東洋者日衆、以是耶穌教之福音、更傳入東方焉、耶穌教自元亡時、已暫廢絕、至是欲再興者、頗不乏人、當時歐洲新舊兩教之爭方劇、故舊教徒欲勢力失之西歐、而收之東亞、就中堅耐不拔者、推奇哀休德派之教徒、陸續東遊、不稍輟、

舊教徒以日本曆二千百六十年、明孝宗弘治十三年來印度、日本曆二千百九

十九年、明世宗嘉靖十八年以卧亞爲根據地、殫力傳教、其間有名者稱奇哀休

德派之方濟各方、以日本曆二千二百二年、明世宗嘉靖二十一年來卧亞、其後

六年、至日本之平戶、僑寓四年、更布教於京都、周防、豐後、日本曆二千

二百十一年、明世宗嘉靖三十年復歸卧亞、翌年、遊支那、中道死、後日本曆二千

二百四十一年、明神宗萬曆九年

奇哀休德派之米開魯老躋始來廣東布教

其翌年、利瑪竇亦赴支那、從事布教者二十年、日本曆二千二百六十

一年、明神宗萬曆廿九年與同志龐廸我共入北京、得明神宗允許、建會堂、故奇

哀休德派之教徒、陸續之北支那、利瑪竇死後、龍華民湯若望等紹其

遺業、時或有嚴禁布教之命、而是等耶穌教徒、皆精於曆法砲術、以故

得明廷信任、其禁未幾而罷、寢至皇后皇族王侯等亦歸依之、及清世

祖入北京、復厚用耶穌教徒、舉湯若望爲欽天監、繼湯後者有南懷仁、

亦爲聖祖寵用、是故支那之天文曆法砲術測量術、得以面目一新、

奇哀休德教徒、旣於北支那、博清廷信任、其餘舊教徒之在南支那者

嫉之力、詆其布教之法、爭論漸甚、遂訴之羅馬教皇、日本曆二千三百

六十四年、康熙四十三年克力們脫十一世、譴責奇哀休德教徒、聖祖反保護